

Alti Nussknagger

1900 — 1932



d'Paradisveegel

1.

Mir stelle uns als Studio - Ihne hite vor
Und singe wieder frisch und froh - was gange isch - dur's Jahr
Mer sin zwar nit - nei - das wär mis
D'Jurasser - die im Paradies
Als Ehrefuggs - isch das am Platz?
Hän gwählt - e Negerchatz.

2.

In unserem Basler Grosse Rot - s'isch doch allerhand
Me's Baselditsch - nim gelte loht - nei - es isch e Schand
Me merkt halt doch - so no di no
Dass alles muess - vo dusse cho
Will d'Basler haige alli Zepf
Und Chuemischt - in de Kepl.

3.

In unserem scheene Eglisee - s'isch e wahri Pracht
Kasch rundi Schunggefudi gseh - s'Herz im Lieb dir lacht
Au d'Kommunische sin perplex
Si suffe - mit de Bourgeois ex
Der Mohler und der Pfiffer mit
Hän griegt - derfür der Tritt.

4.

Vor unserem alte Spaletor - stoht e Brätterwand
Acht Monet isch's - scho bald e Jahr - durt die Affeschand
Was isch denn los - potz sapperment
Uff unserem Baudepartement?
Statt gschafft - wird plust - und ummegschuent
Es isch - die reinschti Pfruend.

5.

Der Petersplatz wird au versaut - stellet Euch das vor
E Schiffi wird dert ane baut - ungläublig - aber wahr
Dä Furz isch doch - impertinent
Er stammt vom Schlofdepartement
O Heimatschutz - O Kunschkredit
Ihr gheret - beid' in Sprit.

6.

z'Paris isch s'Negerdorf jetz zue - d'Chilbi isch vorby
Gäll Beppi - jetz hesch wieder Rueh' - es sell au netig si
Zueknepft deheim - schinsch dumm - wie Drägg
Am fremde n'Ort - do gosch an Spägg
Wenn's d'Épa hätt - zuem Einheitspris
Giensch dennoch - nach Paris!

7.

Im Basler Helge nai wie guet - gseht me do die zwei
Dr Felix - und das jungi Bluet - s'isch doch allerlei
Wygärtner los - di Taggstogg isch
Fir das Konzärt - doch zwenig frisch
Drum glaube mir - du spielsch dert gli
Die leschti - Symphonie.

